

未41
8<1

奇詭喉証明辨



同安吳黼堂先生增刪

奇驗喉證明辨

君宜署



上海文瑞樓發行
鴻章書局石印



序

人之一身百病皆可致危而咽喉之病尤危之危者蓋咽感地氣
為胃之系主通利水穀喉應天氣為肺之系主出入氣息人身雖
此二關為最要故患病亦唯此二關為最險世之業是科者多學
無師授往往株守一偏稱為秘授非自許扁鵲即人頌華陀及其
臨證則茫無主張試起扁鵲華陀而問之果無愧乎又有咽喉發
白一證古方所無諸書未載為害尤烈乾隆四十年以前無此證
即有亦罕自道光中盛延於江浙漸及荆湘黔滇燕魯近來秦隴
塞外所在皆有病者苦無良醫醫者苦無良方膠時疫之說者專
用寒涼則虛寒者殆矣執虛寒之說者專用辛溫則時疫者危矣
是皆以人之性命試彼無形之斧刃持此而欲救世得乎余不揣
固陋爰集古今專科世業善本與治白喉經驗良方良法悉心探

索不當者去之未備者補之並折衷羣書詳加印證俾病情方藥
概歸至當以為喉證指南醫家既可據病以校方病者亦可檢方
以自療從此藥到病除永絕咽喉之患咸登益壽之堂豈不懿歟
時光緒十三年歲次丁亥夏五月嚴江寄湘漁父識於甘肅秦州
官舍之知足知足齋



序一

吳瑞甫先生與余為總角交四十餘年於茲矣性酷嗜醫學其先祖自前明至今世代皆以醫名家傳秘本甚多至先生益搜羅醫籍善本凡中外名著為所知所聞者每不惜重貲購取以故家尤藏書甚富又自少至老手不釋卷診證餘閑輒孜孜汲汲學之惟恐不足嘗曰我國論病證之東西解剖學殊難脗合而方多奇中則以開國最早經驗最宏富故也先生以我國醫學日陋而西醫日有發明恐國粹學漸就式微毅然有昌黎起衰八代之志故益自攻苦淬厲雖學問淵博而自視歛然生平著作等身每評論一證必互勘中東西所言之病理參互考證以究其精去年因文瑞樓書莊寄喉科一書就正於先生先生為之詳加釐訂訛者正之缺者補之凡閱兩寒暑而書成問序於余余細閱之見先生將家

藏秘本急救喉症危急諸方觀列各門中俾患喉科重病者得以
起死回生於俄頃其活人無己之苦心尤足令人起敬視世之得
一驗方而珍如拱璧秘不告人者相去何可以道里計余素不知
醫而深歎先生之奇方異術必能為我國醫學式浮振靡爰泚筆
而為之序

中華民國十三年姻社弟蘇萬靈拜序



邇來西學盛行我國人之習外國醫者咸謂西醫駸駸有凌駕中醫之勢不知論其手術中國人實難比倫因我國習慣保護身體醫無剖割權不得不讓彼國以專美也而究之開國最早經驗最繁富往往有用草木質及獸類藥足愈沈疴大病者如虫樣瘻炎症彼國必用切刀術而我以沒藥止痛且用五香丸以去腸壅中之積穢可以立即痊愈腸結病彼國必須剖割而我只用猴棗及豪猪草棗每次以一二分為細末開水和服即放矢氣而漸愈屢試屢驗並不須切刀術之危險非中法之遜於西法也奇方異術秘諸枕中我無公德心何怪外人以酷毒之劫病劑推行於各行省耶即如喉科一病我國秘本最多遵法用之立見轉危為安近歲以來西法惟實扶垤里血清為最有效喉症不下數十種自

白喉以外危險症尚多試用則效力殊少。錫璜三十年來每見專科治病大有起死回生之功心竊慕之而皆秘不以告人因檢篋中先嚴筠谷公所留貽者并友人處借閱秘本得秘方若干種亦多有效歲癸亥文瑞樓主人以江楚堂所寄喉症指南將重梓行世囑余為之鑒定每閱一次見其剖析虛實寒熱細及毫芒心恆其為喉科善本不揣固陋重加釐訂并將各秘驗諸方附後以廣其傳世之有志於喉科者得此書及紫珍集潛心體驗其治效必有若操左券者余奚啻為之喜而不寐是為序

中華民國十三年五月廈門回春廬醫院長吳錫璜序

新訂奇驗喉證明辨卷首

凡例

一喉科向少專書。惟喉科指掌。重樓玉鑰。紫珍集三書行世。歷代醫書雖偶論及。亦多略而不詳。惟紫珍集為較精本。而於寒熱虛實及白喉之實扶垣里箇。與外國之血清用法。多未詳悉。是書以程鍾齡程瘦樵鄭梅澗陳雨春張善吾黃再生黃陶普馬小琴諸家之說為底本。兼採專科善本。經驗秘傳各方法。又採博醫會之雜學新編。並瑣世代相傳之經驗秘法。類集一編。務使研究喉科者一目了然。確有實效。可以依據。一喉科病變最速。一二日可以斃命。是書於危急各症。不厭求詳。又以方法之確鑿有效者。覲列於各門之後。務使患是病者。救疾如救火。頃刻可以轉危為安。此錫璜活人無己之苦心。閱者鑒之。

一喉科以辨證為最要。辨別不清。如何能救急症。是編於表裏虛實寒熱。剖析務極其精。辨證既真。庶幾處方可無差謬。



一辨證為醫者事。必有證而後有藥。是編本係證治為一門。採方為一門。茲特於證治門中備列秘方及驗方。因欲使閱者便於檢方。非故濫竽其例也。閱者諒之。

一喉症用單紙印方傳送。雖屬善舉。究竟誤事。何也。其人或曾患熱症。服涼劑而愈。則所傳者必涼劑也。倘患寒證者信之。鮮能救矣。其人或曾患寒症。服溫劑而愈。則所傳者必溫劑也。倘患熱症者信之。鮮能救矣。是書絕無此弊。

一前賢所論喉症。方法名論。煞費苦心時。醫以為獨開生面。不襲為高。不知治病無他法。但確有實驗。便是良法良方。本集所有辨症論治及處方。隨處蒐集。總期真能識證。真為效藥。不涉模糊影響。方能應危急之證。而不涉慌張。倘閱者或以勦說見譏。則并湮沒作者之苦心。及歷年試驗之效果。殊為可惜。

一咽喉起白如腐。俗稱白喉。西醫謂之實扶埕里。乃喉疫微生物也。鄭



梅淵醫語云此證屬足少陰一經熱邪伏其間盜其肺金母氣故喉間發白。陳雨春白喉龍論云此證乃足三陰受病傳之於肺。與他經無涉。其有兼及他經者皆後之傳變也。不思此症我同安人謂之白炭。西醫謂之實扶垤里菌。當時中外未通。此種毒菌學尚未發明。故立說猶未免模糊影響。然此菌固為時疫之一種。而癆症虛寒蛾風皆能轉變。徒云時疫而治以清涼者固非。即概云虛寒而治以溫補者亦未為是。格云赤屬熱白屬寒。果如所云則白喉只有寒而無熱。若概云時疫則白喉又只有熱而無寒。於理安在。夫病因轉寒轉熱喉病多有。要在能解除其痰毒潛化其病原。便得痊可。非深明寒熱之原固屬貽誤。然僅區區以寒熱二字作口頭禪。料未必能愈此重病也。

一是編宜分看合看。分看一症有專治之方。合看各症有通用之方。如除溫化毒神功辟邪神仙活命諸方。是治時疫白喉專方。亦可兼治乳蛾喉癰喉腫諸證。姑舉一以例其餘。庶臨證確有把握。

一木舌重舌舌衄蓮花舌牙癰牙宣牙衄走馬牙疳以及腮癰繭唇等證程氏醫學心悟列之咽喉門中界限不清殊不謂然究其原方書皆然乃係以類相從茲仍採入附於咽喉證治之後每條加一附字以示區別。

一採方製藥各以類從首湯劑次吹劑次噙劑次數劑凡一切應用丹丸散錠均須預為備製收儲瓷瓶封固勿令泄氣若俟臨時始製則緩不濟急必致誤人性命。

一醫家治驗之醫案即醫家閱歷之功夫最廣識見略採數則附後以便參考。

一近自煤油煤炭罌粟子榨油以後患喉證者日多是編辨證較清再以紫珍集互相考證於治喉大法及急救各種自能起沉疴於俄頃讀者試潛心考驗便知余言之不謬。

梅澗醫語云。此證屬足少陰一經。熱邪伏其間。盜其肺金母氣。故喉間發白。陳雨春白喉論云。此證乃足三陰受病。傳之於肺。與他經無涉。其有兼及他經者。皆後之傳變也。不思此症我同安人謂之白炭。西醫謂之實扶垤里菌。當時中外未通。此種毒菌學。尚未發明。故近說猶未免模糊影響。然此菌固為時疫之一種。而癆症虛寒蛾風。皆能轉變。徒云時疫而治以清涼者。固非。即概云虛寒而治以溫補者。亦未為是。俗云赤屬熱。白屬寒。果如所云。則白喉只有寒而無熱。若概云時疫。則白喉又只有熱而無寒。於理安在。夫病因轉寒轉熱。喉病多有。要在能解除其痰毒。潛化其病原。便得痊可。非深明寒熱之原。固屬貽誤。然僅區區以寒熱二字作口頭禪。料未必能愈此重病也。

一是編宜分看合看。分看一症有專治之方。合看各症有通用之方。如除溫化毒神功辟邪神仙活命諸方。是治時疫白喉專方。亦可兼治乳蛾喉癰喉腫諸證。姑舉一以例其餘。庶臨證確有把握。

新訂奇驗喉證明辨總目

閩中同安吳錫璜新訂

卷一

序言

凡例

辨證類

喉證總論

辨證大法

辨經絡

辨初起病症

辨面色

辨脉法

辨寒熱

辨喉色寒熱

辨舌苔寒熱

辨唇鼻目寒熱

辨小便寒熱

辨腫痛寒熱

辨風涎寒熱

辨飲食寒熱

辨氣血寒熱

辨頭痛寒熱



辨白喉寒熱

辨西法白喉有三種

辨白喉之染受

辨白喉之病狀

辨白喉之合併證及復發證

辨白喉之預防法

辨白喉之養生法

附白喉之氣管切開術

辨咽喉之壞證

辨白喉之壞證

卷二

用藥類

用藥總括

宣肺

熱證

寒證

熱盛陽虛

慎用表藥

熱證過服涼藥

寒證過服熱藥

解誤藥

旁取法

用藥次第

用藥口訣



藥不須忌

白喉四證

白喉兼證

白喉傳染

白喉誤死

服藥後禁忌

白喉療法之特效

血清之本性

血清之用法

看證防護

附用鍼法

附製鍼法

煮鍼藥方

鍼式圖

鍼穴圖

卷三

證治類

證治總括

喉痺

緊喉風

慢喉風

纏喉風

走馬喉風

